

Peqqinnissakkut ilisimatusarernut tapiissuteqartarnerit pillugit Namminersornerullutik Oqartussat nalunaarutaat

Peqqinnissaqarfíup sullissineri il.il. pillugit Inatsisartut peqqussutaanni nr. 8-mi, 30. oktober 1992-imeersumi, § 25, imm. 2 naapertorlugu aalajangersarneqarpoq:

§ 1. Nalunaarummi uani maleruagassat naapertorlugit Peqqinnissamut Avatangiisinullu Pisortaqaarfik peqqinnissakkut ilisimatusarernut tapiissuteqarsinnaavoq.

Imm. 2 Immikkorluinnaaq pisoqartillugu Peqqinnissamut Avatangiisinullu Pisortaqaarfik suliniutinut, aammattaaq peqqinnissakkut ilisimatusarnermi siuarsaaniutinut, tapiissuteqarsinnaavoq.

§ 2. Ilisimatusaatinut tapiissuteqarnermi pingarnerutinnejartarpuit, ilisimatusaatit minnerpaamik peqqinnissaqarf inimi atorfílimmit ataatsimit peqataaffigineqartut.

§ 3. Tapiiffigineqarnissamik qinnuteqaat, pilersaarummi aningaasalersuisinnaasut allat sorliit qinnuteqarfíineqarsimanersut qinnuteqarfíineqassamaarnersulluunniit pillugit, paasissutissanik imaqartinneqassaaq.

§ 4. Tapiiffigineqassagaanni, ilisimatusarnermi ileqqorissaarnissaq pillugu aalajangersakkat sukkulluunniit atuuttut ilisimatusartunit malinnejarnissaat, piumasarineqarpoq.

§ 5. Nalunaarut una naapertorlugu aningaasaliissutaasimasut pillugit naatsorsuutinik Peqqinnissamut Avatangiisinullu Pisortaqaarfímmut tunniussisoqassaaq.

§ 6. Tapiiffigineqassagaanni ilisimatusarnermi angusat Kalaallit Nunaanni saqqummiunneqarnissaat piumasaqaataavoq, taammaattorli takuuq imm. 3.

Imm. 2 Qinnuteqaammi takuneqarsinnaassaaq, ilisimatusarnermi angusat qanoq ililluni saqqummiunneqassasut naatsorsuutigineqarnersoq.

Imm. 3 Saqqummiussinnginnissamut pissutissaqarluarsorinarpát, tamanna pillugu piumasaqaammit Peqqinnissamut Avatangiisinullu Pisortaqaarfik immikkut akuersissuteqarsinnaavoq.

§ 7. Peqqinnissamut Avatangiisinullu Pisortaqaarfik ilisimatusaatissanik immikkut siuarsarusutanik nalunaaruteqarsinnaavoq. Tamanna tusagassiutit tamatumunnga attuumassuteqartut aqqutigalugit saqqummiunneqartassaaq.

§ 8. Peqqinnissamut Avatangiisinullu Pisortaqaarfik ukiumoortumik nalunaarusiussaaq. Ukiup ingerlanerani suliniutit sorliit tapiiffigineqarsimanersut aningaasartaasalu annertussusaat pillugit paasissutissanik nalunaarusiaq imaqartinneqassaaq.

§ 9. Aningaasaliissutit ingerlaavartumik, ukiumullu minnerpaamik marloriarluni, tunniunneqartarpuit.

§ 10. Qinnuteqaatip nalilorsorneqarneranut atatillugu Peqqinnissamut Avatangiisinullu Pisortaqaarfik immikkut ilisimasalimmik ikiorteqarsinnaavoq. Tamatumunnga aningaasartuutit ilisimatusarnermut

aninggaasaliissutinit akilerneqassapput.

§ 11. Tapiissutissanik qinnuteqarnermi Peqqinnisamut Avatangiisinullu Pisortaqarf iup qinnuteqarnermi immersugassialiaa atorneqassaaq.

Imm. 2 Qinnuteqarnermi immersugassaq Peqqinnissamut Avatangiisinullu Pisortaqarf immut saaf f iginninnikkut pissarsiarineqarsinnaavoq.

§ 12. Nalunaarut una atuutilissaaq 1. decembari 1993.

Namminersornerullutik Oqartussat, ulloq 1. decembari 1993.

Ove Rosing Olsen

/

Torben Cordtz

Namminersorlutik Oqartussat
Imaneq 4
3900 Nuuk
E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviat
Naalakkersuisut